

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 01.06.2018թ. թիվ 1808086113 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 07 2018թ. 17-13-81078-18/17-13-9156

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Լեոնիդ Խալաթյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Արտաշիսյան փողոցի 61 շենքի 8 բնակարանի բնակիչ Լեոնիդ Խալաթյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 01.06.2018թ. թիվ 1808086113 որոշումը՝ նշելով, որ համաձայն չէ արձանագրված իրավախախտման հետ:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին նշված որոշումն օրինական է և հիմնավոր հետևյալ պարճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 7-րդ կետի 3-րդ ենթակետի համաձայն՝ **դեղին ազդանշանն արգելում է երթևեկությունը** (բացառությամբ կանոնների 19-րդ կետով նախատեսված դեպքի) **և նախազգուշացնում ազդանշանի առաջիկա փոփոխման մասին**, իսկ նույն որոշման 7-րդ կետի 5-րդ ենթակետի, **լուսացույցի կարմիր ազդանշանն արգելում է երթևեկությունը:**

Ճանապարհային ոստիկանության 01.06.2018թ. թիվ 1808086113 որոշման հիմքում դրված տեսանյութի լրացուցիչ ուսումնասիրությունից պարզվել է, որ դիմումատուի վարած տրանսպորտային միջոցը 13.05.2018թ-ին ժամը՝ 10:51-ին Երևան քաղաքի Չեխով - Արտաշիսյան փողոցների խաչմերուկի հատված է մուտք գործում և այն ազատում լուսացույցի արգելող ազդանշանի ներքո, այն դեպքում, երբ տեղադրված լուսացույցը տեսանելի է երթևեկության մասնակից բոլոր տրանսպորտային միջոցների վարորդների համար:

Այսպիսով՝ ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, որի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 01.06.2018թ. թիվ 1808086113 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Լեոնիդ Խալաթյանին:

